



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Supplementband und Schluß des ganzen Werkes bis auf die Register

Riedel, Adolph Friedrich

Berlin, 1865

LXV. Die Gebrüder von Bieberstein bestätigen den von dem Stadtrathe
und der Propstei zu Beeskow über zwei Bauern zu Neuendorf
geschlossenen Tauschvertrag, am 13. Mai 1538.

Nutzungsbedingungen

[urn:nbn:de:hbz:466:1-55834](https://nbn-resolving.org/urn:nbn:de:hbz:466:1-55834)

LXV. Die Gebrüder von Bieberstein bestätigten den von dem Stadtrathe und der Propstei zu Beeskow über zwei Bauern zu Neuendorf geschlossenen Tauschvertrag, am 13. Mai 1538.

Wyr Jhon, Hieronimus, Cristoff vnd Sigmundt, gebruder, Herren von Bibersteyn, auff Kost, Soraw, Trybel, Mofske, Storgkow, Beskow etc. Bekennen hiemit öffentlich vor vns, vnser erben, erbnhemer vnd sonst für ydermeniglich, Nachdem der erwirdig yn got her Mathias, aptt czur neuen Zelle, von wegen der probstey czu Besskaw mit den ersamen vnsern lieben getrewen Burgermeister vnd radtman vnser stadt Besskaw einen freymargt, wy hernach folget, gehalten vnd beschlossen der gestalt, das der gemelte her apt wegen der obberurten probstey zehen malder jerlichs erblichs zins getreydes Beskowfchs maßs, so die gemelte probstey vff zwain pawrn tzur Neundorff gehapt, gedachten vnsern lyben getrewen burgermeister vnd radtman vnd gemeinen Stadt Besskaw vor zehen merkliche schock jerlichs tzinses, welcher tzins tzume dem lehensamte anne tzugestanden, gegeben vnd vorfreymargt, also das hinfurder berurte tzeihen schock der probstey vom rathaus tzu Besskaw yerlich entricht werden sollen, Inhalts der vorschreybung, so sie solches freymargts halben zwüschen eynander vffgericht haben, vns obgedachte vnser lieben getrewen Burgermeister vnd radtmanne der Stadt Besskaw vndertheniglich angesucht vnd gebeten, solchen oberzalten freymargt vnd beuth, als yre erbhern tzu tzulassen vnd tzu Confirmiren, welchs wir yn ansehung yrer vlaißigen bitten ynen nicht weygern wollen, derhalben tzulassen, confirmiren vnd bestetigen wyr solch eberzalten freymargt, beuth vnd wechsel yn krafft vnd Macht dis vnser bryeues, also das die ebermelten zwene pauern mit alle yrem rechten, gerechtigkeiten vnd herligkeiten, wie sie tzuor der probstey tzugestanden, bei der stadt Besskaw ynmassen wie die andern pauern tzu Neundorff nu vnd zu ewigen tzeiten bleiben sollen. Getreulich vnd yngeferlich. Des zur vrkunt vnd merer sicherheyt haben wir obgenanten hern von Bieberstein gepruder eyn ieder yn Sunderheit vnser ynßigel oder pettschier an diessen brieff hengen lassen, gegeben tzu progaw, den negsten Montagk noch Jubilate, ym funffzehenhundertzten vnd acht vnd dreyßigsten Jaren.

Nach gleichzeitiger Copie im Beeskower Documentenbuche fol. 85.

LXVI. Kurfürst Joachim's anderweite Weisung des Rathes zu Bernau, dem Kalande die schuldigen Gebungen folgen zu lassen, vom 29. Mai 1538.

Joachim, von gots gnaden Marggraff zu Brandenburg vnd Churfürst, zu Stettin, pomern vnd In schlesien zu Crossen Hertzog. Vnsern grus zuuorn, liebe getrewen, gein vns thun sich abermals die andechtigen vnser liebe getrewen, gemeine Kalandsherrn bey euch zu Bernaw, vber etliche ewer mitburger Irer hinderstelligen vnd vorfessenen Zinse halben, welche sie von Inen In der guthe nicht bekommen mogen, beclagen. Wie Ir aus eingeschlossener Supplicacion Ir bit alenthalben habt zuuornehmen, Hirv ist an euch vnser beubelch himit begerend, Ir wollet dieselben

Riebel's Cod. dipl. Brand., Supplementband.